



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆՆ ԱՌԸՆԹԵՐ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ**

Հասցե՝ ք. Երևան

«22» « փետրվարի » 2017թ.

ՈՐՈՇՈՒՄ N 49/09

**Հարկ վճարողից ժամանակին չվճարված հարկային մարմնի կողմից վերահսկվող եկամուտների
գծով վճարման ենթակա գումարը գանձելու մասին**

Հայաստանի Հանրապետության կառավարությանն առընթեր պետական եկամուտների կոմիտեի աշխատակազմի իրավաբանական վարչության պետ Ա. Մնացականյանս քննարկելով <<Վ և Ն>> ՍՊ ընկերության վերաբերյալ վարչական վարույթի նյութերը

ՊԱՐԶԵՑԻ

Համաձայն հարկային մարմնում առկա անձնական հաշվի քարտի տվյալների <<Վ և Ն>> ՍՊ ընկերության (ՀՎՀՀ 06913513, իրավ. հասցե՝ ք. Վանաձոր Տարոն -2 Քշի 7 6-5, տնօրեն՝ Վահե Նաջարյան, բնակ. հասցե՝ ք. Վանաձոր Վարդանանց 82-6, պետական գրանցման համարը՝ 26.110.01225) հարկային մարմնի կողմից վերահսկվող եկամուտների գծով չկատարված պարտավորությունը 07.02.2017 թվականի դրությամբ կազմել է 637.443 դրամ:

Շահութահարկի պարտավորությունը կազմում է 43.561 դրամ, որն ամբողջությամբ տույժի գումար է:

Եկամտային հարկի պարտավորությունը կազմում է 584.615 դրամ, այդ թվում. ապառք՝ 398.301 դրամ, տույժ՝ 186.314 դրամ: Նշված 398.301 դրամն առաջացել է 2015թ-ի հունիս - 2016թ-ի դեկտեմբեր ամիսների եկամտային հարկի ամսեկան հաշվարկներից:

Եկամտային հարկի 10%-ի պարտավորությունը կազմում է 9.267 դրամ, այդ թվում. ապառք՝ 5.980 դրամ, տույժ՝ 3.287 դրամ: Նշված 5.980 դրամն առաջացել է 07.08.2015թ-ի թիվ 5104206 ստուգման ակտից:

Վերոհիշյալ պարտավորության մասով Հայաստանի Հանրապետության կառավարությանն առընթեր պետական եկամուտների կոմիտեի աշխատակազմի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ <<Վ և Ն>> ՍՊ ընկերության չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին 10.02.2017 թվականին ընկերության տնօրենը պատշաճ կերպով ծանուցվել է: Չնայած պատշաճ ծանուցման հանգամանքին, տնօրենը չի ներկայացրել որևէ բացատրություն, առարկություն չի հայտնել, սակայն կատարել է մասնակի վճարում՝ 356.109 դրամի չափով, որից 43.561 դրամը շահութահարկի գծով, 312.548 դրամը՝ եկամտային հարկի գծով:

Արդյունքում ժամանակին չկատարված պարտավորությունը կազմում է 281.334 դրամ, որից եկամտային հարկի ապառք՝ 160.308 դրամ, տույժ՝ 111.759 դրամ, եկամտային հարկի 10%-ի ապառք՝ 5.980 դրամ, տույժ՝ 3.287 դրամ:

<<Հարկերի մասին>> ՀՀ օրենքի 3-րդ հոդվածը սահմանում է, որ հարկը պետական և հասարակական կարիքների բավարարման նպատակով համապարտադիր և անհատույց վճար է: Համաձայն <<Հայաստանի Հանրապետության 2017 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը:

Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման:


Վերոգրյալի հիման վրա, ղեկավարվելով «Հարկերի մասին» ՀՀ օրենքի 29.1 հոդվածով, «Հարկային ծառայության մասին» ՀՀ օրենքի 4-րդ հոդվածի 11-րդ մասով, <<Հարկերի մասին>> ՀՀ օրենքի 23-րդ հոդվածով և «Վարչարարության հիմունքների և վարչական վարույթի մասին» ՀՀ օրենքի 55, 56, 58, 88 հոդվածներով՝

ՈՐՈՇԵՑԻ

1. <<Վ և Ն>> ՍՊ ընկերությունից գանձել 281.334 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ԴԱՀԿ ապահովող ծառայություն:
3. Որոշման օրինակը եռօրյա ժամկետում ուղարկել /ֆիզ. անձին կամ/ հարկ վճարողին:
4. Սույն որոշումն ուժի մեջ է մտնում «Վարչարարության հիմունքների և վարչական վարույթի մասին» ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70-րդ, 71-րդ հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

Handwritten signature



Ա. ՄԱՐԿԱՆՅԱՆ

Ստացա որոշման օրինակը

ստորագրություն

հարկ վճարողի (կամ ֆիզ. անձ) պաշտ. անձի անուն, ազգանուն

ամսաթիվ